

約章成案匯覽

約章成案匯覽乙篇卷三十八下目錄

成案

礦務門

附各國金銀礦產表

總署等奏開辦礦務杜弊辦法摺

光緒二十四年

總署等奏湘省嚴禁私運錫砂摺

光緒二十五年

總署等奏請催填送礦路表譜摺

光緒二十五年

總署等奏請飭月報礦金收數片

光緒二十五年

總署等奏漠河金礦應准減輕報効摺

光緒二十五年

外務部奏吉林礦務華俄合股辦法摺

光緒二十八年

外務部奏吉林煤礦應令另議辦法片

光緒二十八年

外務部奏蒙古鄂爾河等五處續議開辦金礦摺

光緒二十九年

外務部等奏蒙古喀拉沁王請與荷商合辦金礦摺

光緒三十年

外務部奏華英公司合辦四川江北廳煤鐵礦務摺

光緒三十年

商務大臣盛奏請設勘礦公司以保主權摺

光緒二十八年

晉撫趙奏請山西礦務先儘豐晉公司辦理摺

光緒二十九年

豫撫錫奏開河南礦務並派豫豐公司總辦摺

光緒二十八年

鄂督張奏江西辦理萍鄉煤礦保借洋款情形摺

光緒二十五年

閩督許奏福建礦務擬由洋商公司承辦摺

光緒二十八年

黑龍江將軍薩奏鐵路公司照吉林原訂合同議立躡煤辦法

摺

光緒二十八年

黑龍江將軍薩附奏東省鐵路合同第六條應聲明專指煤礦

而言片

光緒二十八年

新撫饒奏塔城金礦辦有成效並開辦東新興礦務摺

光緒二十七年

外務部咨嚴子溝等處礦產應准試辦文

光緒二十九年

外務部咨嚴子溝礦區應以窪口為中心四面各距中心十里

文

光緒三十年

外務部咨八道河礦區應以窪口為中心四面各距中心十里

文

光緒三十年

外務部咨八道河等礦地仍以相距二十里為界文

光緒三十年

外務部咨膠州鐵路附近三十里礦務應照章辦理文

光緒二十九年

外務部咨福公司請辦老牛河礦產應准立案文 光緒三十年

外務部照會法樂前請專辦尖峯山一處礦產自可照准文

光緒三十年

外務部照復華裕大東兩公司開辦邵武金礦應遵照合同奏

章辦理文 光緒三十年

礦務大臣盛照會註銷安徽宣城開礦合同文 光緒三十年

商務大臣盛咨萍鄉煤礦添籌鉅本續借禮和商款文 光緒二十八年

北洋大臣袁咨比公司承辦臨城等處礦務業經駁斥作廢文

光緒二十八年

約章成案匯覽乙篇卷三十八下

成案

礦務門

總署等奏開辦礦務杜弊辦法摺

光緒二十四年

奏為遵

旨履陳恭摺仰祈

聖鑒事光緒二十四年九月初十日准軍機處抄交出使美日秘  
國大臣伍廷芳具奏開辦礦務條陳杜弊章程各摺片本日  
奉

硃批著王文韶等會同總理衙門議奏片併發欽此臣等查原奏

內稱中國地大物博各國環伺乘間要求非第利其土疆實亦羨其礦產我誠定計於先廣為籌辦既可貽我民之樂利即可杜他族之覬覦從前礦務辦法大約有三曰官辦曰商辦曰官商合辦但官辦則公款難籌商辦則私財不給官商合辦則商惟恐受制於官亦難取信於民瞻顧徘徊事機坐失是惟華商承辦許附洋股互相維制此法誠良若內地商民或因資本不足或因礦師難延或因機器難購欲求速效且資熟手勢不能不轉任洋商既任洋商則必須善訂章程始可有濟杜弊之要約有數端條陳清地界定年限明抽分占華股公稽核防後患以備採擇等語臣等查中國礦產富

饒甲於五洲為外人所覬覦已非一日特以華人資本不裕  
向用土法開採收效無多近來風氣既開華商亦多糾集公  
司思效西法開採每以資本不足請借洋款事當開辦伊始  
利之所在弊即隨之自非善訂章程誠不足以杜後患該大  
臣條陳各節洵屬杜漸防微之道此次臣等議定章程已將  
該大臣陳奏各條酌為採入至原片又稱西人遊歷來華探  
測礦產殆徧人皆洞澈我反茫昧應由總理衙門延僱上等  
礦師並招致曾經出洋肄習礦務學生隨同總局委員周歷  
各省按址履勘詳細記載列冊備查並行知各疆臣檄下地  
方官各就本轄境內博訪周諮確查礦產所在呈報總局庶



幾披圖按籍一一可稽等語臣等查局中擬設礦務學堂延請礦師曾經奏明在案祇以經費難籌一時尚未及舉辦至肄習礦務學生亦經奏明由南北洋大臣遴派聰穎子弟出洋尚未據該大臣咨報從前學生有選派出洋肄業者並無專習礦務之人現尚無從招致惟二十一行省產礦地方所在多有與其由總局派員往勘勢不能周不若由各該地方官就地查明較為切實應如該大臣所請由各省將軍督撫轉飭各該地方官於所轄境內察訪產礦處所無論已開未開及開而復閉者詳細查明確勘繪圖貼說於六箇月內咨報總局以憑核辦如蒙

俞允即由臣等咨行各直省遵照辦理所有議復各緣由理合恭摺具陳伏乞

皇太后

皇上聖鑒訓示再此摺係礦務總局主稿會同總理衙門辦理合併聲明謹

奏 光緒二十四年十月初六日具奏奉

硃批依議欽此

總署等奏湘省嚴禁私運錫砂摺 光緒二十五年

奏為遵

旨核覆恭摺仰祈

聖鑒事光緒二十五年二月十二日准軍機處鈔交湖南巡撫俞  
廉三奏請嚴禁私運錫砂一片奉

硃批著總理各國事務衙門會同督辦礦務大臣查核辦理欽此  
查原奏內稱錫砂一種外洋稱為安的摩尼湘省各屬所在  
多有採煉可作炸藥帽藥並入鐵鑄造機器其用甚廣其價  
較鉛為昂為外洋所必需為中國所創獲論礦務者首以此  
為可興之利前於益陽等處覓獲錫砂試籌銷路有漢口亨  
達利洋行訂銷出錫五成以上之砂三萬墩每墩先繳價銀  
三十兩俟其售出仍照行規各分紅成因於漢口設立轉運  
局過磅交易復於各處廣為搜求續有所獲因招粵商大成

公司來湘就近提煉成錫分別運銷查各境產錫之所則有貴州之銅仁四川之秀山銅仁近稱封閉秀山所產去年曾販運過界經辰州分局查獲照本省商探章程給價入官未令越境蓋以此物為火器所用無異硝磺未可聽其所之漫無限制且私販爭售價值必減有妨利權倘本省商探之區從而影射稽查尤難更恐鄰近所產尚不止此應請

飭下礦務鐵路總局定立嚴禁私販條規分行各省一體查禁其黔蜀各省嗣後有運錫過湘者即由湘照商探章程收買不得繞越等語臣等伏查錫砂一項既足供製造機器之用如果提煉得法則銷路必廣獲利自豐湘省出產既多自應酌

定採運章程以便分銷各路惟此物既可煉作炸藥等項即與硝磺無異若任聽私販爭售不特有礙利權且恐別滋流弊應請准如該撫所擬嚴行查禁至各省出產錫砂處所亟應設法採運以開利源若如原奏所稱黔蜀各省嗣後運錫過湘即由湘照商採章程收買不得繞越是同為產錫之地湘省既可設局以轉運黔蜀各省獨不能越境以行銷殊不足以昭公允且別省運錫到湘腳價所費尤鉅若一律給本省官價恐鄰商賠累過多實於礦務有礙至該省所定商採章程未據咨報有案應由臣等咨取查核如果切實可行應令產錫省分仿照辦理嗣後不論何處出產即歸該管省分

征稅既經官為轉運或由商照章完過礦稅領有稅單沿途經過關卡查無私販夾帶以多報少情弊准予放行以杜弊端而暢銷路所有臣等核復緣由理合恭摺具陳伏乞

皇太后

皇上聖鑒訓示施行再此摺係總理各國事務衙門主稿會同礦路總局辦理合併聲明謹

奏 光緒二十五年三月十一日奉

硃批依議欽此

總署等奏請催填送礦路表譜摺 光緒二十五年

奏為請

旨飭催填送礦路表譜以備查核恭摺仰祈

聖鑒事案查礦務鐵路總局於光緒二十四年十月初六日會奏  
礦務鐵路章程第二十二條內載由總局另頒表譜分行各  
省所有各公司局所辦理礦路情形應於每年年終如式填  
寫具送總局查核旋經總局將礦路表譜刷印成冊於是年  
十一月三十日通行飭遵並聲明凡從前未經查報之案迅  
速查明如式填送無庸俟至年終以免遲延各等因在案是  
已經查報之案其表譜填送原可俟至本年年終而現時距  
年終亦已不遠若未經查報之案亟應先將表譜填送方昭  
慎重乃自行文之日扣至現時僅據吉林將軍咨送辦理三

姓礦務道員宋春鰲填寫未經查報之金礦表譜一分兩江  
總督咨送辦理徐州礦務候補知府吳惇蔭填寫煤礦表譜  
一分而此外概未之見臣等伏思

國家開辦礦務鐵路原期足國裕民漸收成效臣等頒行表譜  
俾各礦路將開辦後事體衰旺課款盈虧一切情形明列表  
冊方能有所稽考若該公司局所承辦之員如式照辦亦足  
以昭著心跡不至處於嫌疑之間在精白乃心實事求是者  
似應樂於從事乃遲之許久而從前未經查報之案迄未據  
列冊具報誠不知是何居心應請

旨飭下各省將軍督撫及各省督辦大臣轉飭各該公司局所承



辦之員迅將未經查報之案填列表譜送核其已經查報之  
案亦一律於年終將表譜照式填送自此次奏催之後倘仍  
前玩泄即行查明承辦之員據實奏參所有催送礦路表譜  
緣由理合恭摺會陳伏乞

皇太后

皇上聖鑒訓示再此摺係礦務鐵路總局主稿會同總理各國事  
務衙門辦理合併聲明謹

奏

總署等奏請飭月報礦金收數片

光緒二十五年

再產金之礦與煤鐵各礦不同漠河金礦辦理最著成效該

金礦局員每日將收取金砂數目明列手摺每月呈報一次  
頗為核實認真應請

旨飭下各該金礦局員除每年年終填送表摺外一體仿照漢河  
辦法將每日所收金砂數目明列手摺按月呈送總局備查  
如蒙

俞允即由臣局通飭遵照所有金礦應按月呈報收金數目錄由  
理合附片具陳伏乞

聖鑒訓示謹

奏

總署等奏漢河金礦應准減輕報効摺

光緒二十五年

奏為遵

旨議覆恭摺仰祈

聖鑒事光緒二十五年正月二十二日准軍機處抄交北洋大臣  
裕祿奏漢河礦局新章提餉過多入不敷出請酌量變通以維  
大局一摺奉

硃批該衙門議奏欽此臣等查原奏內稱漢河開礦之始原定章  
程先將局廠各項費用開銷所得餘利作為二十成以六成  
報充軍餉以四成分給員司花紅以十成派給股商利息嗣  
於光緒二十二年間經查辦事件大臣延茂改定新章漢河金  
廠所得金砂餘利先提六成作為軍餉下餘四成作為局用

股利觀音山金廠所得金沙餘利先提八成作為軍餉下餘  
二成作為局用奏明在案茲據督辦漠河等處礦務道員徐  
傑稟稱漠河孤懸絕塞百物騰貴初開辦時每年用款十三  
四萬兩嗣因續開觀音山廠增至十五六萬兩二十一二三  
等年漸增至三十餘萬兩現經極力裁汰統計一切局用每  
年實約需銀十七八萬兩無可再省若再加裁減不惟無以  
安任事者之心而食用各項亦恐僥焉難繼至入款全賴金  
沙金苗之旺衰無常即入款之盈絀難定自光緒十五年至  
二十年每年得金均不過貳萬餘兩或壹萬餘兩十九年尚  
不及一萬兩惟二十一年得金五萬兩零然亦僅此一年迨

二十二年仍僅貳萬餘兩至二十四年尤為減色以入款與出款相衡不敷顯然查二十一年以前每年均能結有餘利者實緣舊定章程先除各項開銷然後將餘利作為二十成內提充軍餉六成股商餘利十成員司花紅四成彼時糧貨價值亦尚平賤故能不形支絀無如已開各廠漸次消乏急切難得新苗加以年來各處歉收食物昂貴出款必不可少入款難望其增侵尋虧耗拮据萬分推原其故當奏改新章時但見二十一年出金之旺餘利之多以為必不至於虧累殊不知淘沙取金多寡原無一定況漠礦之開兼為防邊非盡言利前人幾費經營幸著成效中國言礦務者首屈一指

## 自改新章

國家得餉稍多亦僅一時之利而非久遠之謀此後局用愈窘  
措手愈難既不能枵腹從公又不能點金為用智窮力竭勢  
必停辦而後已礦務停則軍餉無所出邊防亦覺空虛漢礦  
本係招集商股而辦礦尤資人力必有股利花紅始足振興  
商務驅策羣力新章專以漠廠糧貨餘利作為股利花紅無  
論貨利未必可靠即使有利而局用尚難彌補更何股利花  
紅之有無股利則股商失望商務有礙無花紅則人心解體  
誰共國存體察情形實於礦務盛衰大有關係擬請將新章  
酌量變通每年所得餘利除開銷一切局用外結存若干再

按十成計算觀音山仍以八成充餉漠河仍以六成充餉下  
餘觀鳳二成漠鳳四成作為股商餘利員司花紅似此辦法  
較之現行新章軍餉少得有限而視舊章仍不啻加倍且局  
用股利花紅均有所出礦務賴以維持不至終於墮廢等情  
前來查漠河金礦開辦至今興利實邊業經著有成效至應  
加意維持俾免墮廢新章以最旺之年為衡提餉過多入不  
敷出虧累勢所必然該道擬改章程係為因時補救起見與  
其因循墮壞軍餉無著何如酌量變通可期經久仰懇

恩准照擬辦理等語臣等查漠河金礦為中國礦務發軔之初興  
利實邊閱十餘年經營匪易現以新章提餉過多以致入不

敷出難乎為繼自應極力維持以期經久現經北洋大臣裕祿揆時度勢請予變通自應請

旨准如所擬辦理以保

國課而恤商艱所有臣等遵

旨議覆緣由理合恭摺具陳伏乞

皇太后

皇上聖鑒訓示再此摺係總理衙門主稿會同戶部暨礦路總局

辦理合併聲明謹

奏 光緒二十五年二月十二日具奏奉

硃批依議欽此



外務部奏吉林礦務華俄合股辦法摺 光緒二十八年

奏為遵

旨覈覆恭摺仰祈

聖鑒事竊查吉林將軍長順等前奏俄員請合辦吉林礦務議定  
草約摺內聲明請

旨飭下議和全權大臣及礦務總局速議覈覆等因光緒二十七  
年三月初五日奉

硃批著照所請該衙門知道單併發欽此維時因東三省大局未  
定未暇議及現在事機就緒自應照章覈議臣等伏查吉省  
礦產富厚亟宜開濬利源第華商資本不敷舉辦尚無成效

誠如該將軍原奏所云專恃華股終難集事惟草約十四條語意簡略尚有應行聲明之處如第七條載新採礦苗須指明地方段落約定界限再行開辦等語既云約定界限自應聲明指出礦地若干處所除所指地段外如華人自辦或願與他國人合辦均聽其便似此劃清界限則第一條不准他國入股一語係專指此次所言礦地界內而言俾將來不至有所牽混而外人亦不至疑其專利至原奏內稱所有開辦詳細章程俟核定後再當隨時擬議奏明辦理又約內第八條載應商之件尚須俟查明開單再議第十四條載以上所議章程須俟奏明奉

旨及咨礦務總局照准接到回文再行開辦各等語是此次草約  
尚不能作為開辦之據相應請

旨飭下長順等與俄員切實磋商將原約第七條添叙明晰并令  
指定礦地再與妥議詳細章程奏明辦理以期詳慎所有臣  
等覈覆緣由理合恭摺具陳伏乞

皇太后

皇上聖鑒謹

奏 光緒二十八年四月初三日奉

硃批依議欽此

外務部奏吉林煤礦應令另議辦法片 光緒二十八年

再准軍機處抄交吉林將軍長順奏鐵路公司議辦煤礦訂立合同一摺光緒二十七年十月二十一日奉

硃批外務部知道單併發欽此查原奏內稱目下吉林界內鐵軌已通火車暢行以商民所開煤窯尚少難以敷用悉砍林木代煤不特難資經久且將通省林木悉作火柴亦於地方有損是以俄總監工茹格維志前遣其代辦達昂爾來省請在附近地方開挖煤礦以保林木當以煤為鐵路必需之物不得不允其開採現與訂立合同十二條彼此畫押存查等語臣等伏查此項合同已經

盛京將軍與俄監工援照訂立奏交臣部核覆經臣等以合同第

二條所載鐵路兩旁三十里外之煤礦漫無限制請將該合同無庸置議應令與俄監工另議辦法就三十里為限并聲明三十里以外無論何人開採煤礦該公司不得與聞業於本日議覆增祺等摺內請

旨飭遵伏候

命下由臣部咨行吉林將軍一體遵照辦理謹附片具陳伏乞聖鑒謹

奏 光緒二十八年四月十二日奉

硃批依議欽此

外務部奏蒙古鄂爾河等五處續議開辦金礦摺 光緒二十

九年

奏為蒙古鄂爾河等五處金礦擬請續議開辦以濬利源恭摺  
仰祈

聖鑒事竊查蒙古地方土脈雄厚礦產富饒久為外人所歆羨其  
在圖什業圖汗車臣汗各旗界內西自鄂爾河哈拉河至額  
能河北自色埒河至伊魯河共有金礦五處苗綫尤旺前經  
升任定邊左副將軍庫倫辦事大臣連順擬請招集商股購  
運機器相地開採並據前天津稅務司柯樂德稟請代招俄  
股遵章妥辦當於光緒二十四年十一月間奏奉

硃批著總理各國事務衙門會同礦務大臣妥議具奏欽此適侍

講學士貽穀以連順所請招商開採蒙古金礦有害無利等語入奏奉

旨著歸入連順前摺一併核議等因欽此旋經總理衙門會同路礦總局復奏請

特派大臣督辦並附片聲明先由圖什業圖汗界內設廠興辦奉旨著即派連順會同興廉督率辦理餘依議欽此欽遵咨行在案二十五年四月間復經連順奏明籌辦礦務情形並派柯樂德購定機器延聘礦師招集洋股以便招工開採嗣於二十六年間因蒙古該旗盟長呈報有礙風水游牧經理藩院奏奉

諭旨派大學士崑岡馳往查辦奏請停止奉

旨飭下連順將柯樂德妥為散遣並著豐陞阿將礦地封禁等因  
即經總理衙門咨行該將軍等欽遵辦理各在案本年二月  
間據總稅務司函稱柯樂德前辦庫倫圖車兩盟金礦辦理  
年餘忽又奉飭停辦該員所置機器礦師工匠人等仍在彼  
守候甚望轉圜俾得兩益並將柯樂德所具說帖呈請核辦  
前來當經臣部咨行庫倫辦事大臣暨定邊左副將軍查復  
去後茲據該大臣豐陞阿咨稱該員柯樂德雖經奉飭遣散  
回國而以前辦理年餘賠有鉅款迄未離開機器房屋依然  
尚在礦師人等留未資遣事關洋員各處又均有合股辦礦



之舉此則獨禁而強令任賠中止誠恐別生枝節查外務部  
議復熱河都統錫良摺內請將蒙古各旗礦產設法開採又  
政務處議復山西巡撫趙爾巽摺內亦有內外蒙古礦產甚  
繁興利實邊當務之急各等語均經奉

旨允准咨行到庫飭各盟一體遵照該盟長等已知開礦興利  
之意現柯樂德請仍續辦礦務亦應各無異言等因並准該  
將軍連順將該處開礦並無窒礙情形聲復到部臣等伏查  
蒙古圖什業圖汗車臣汗兩盟界內礦地逼近俄疆久為彼  
國游民私自偷挖防維杜絕智力俱窮是以前出使大臣洪  
鈞曾有自行設廠挖金以防俄人越取之奏即連順原議亦

無非為興利防害起見祇因蒙人賦性多愚不免惑於風水之說其實俄人越境私挖仍難禁阻設因驅遣之故由其公使領事向我請辦則事關交涉准駁均屬為難不如先自開採准令俄人附股猶得稍保利權況近來風氣既開迭奉諭旨興辦礦務彼蒙民僻在邊隅亦漸知礦產之利既據該大臣等查明確情均無異議應請仍照原案辦理如蒙

俞允請

飭下庫倫辦事大臣豐陞阿會商定邊左副將軍連順妥訂詳細章程奏明辦理并照總理衙門原奏先就圖什業圖汗界內開採徐圖推廣以裕利源所有蒙古鄂爾河等五處金礦續

議開辦緣由理合恭摺具陳伏乞

皇太后

皇上聖鑒訓示謹

奏 光緒二十九年五月二十三日具奏奉

硃批依議欽此

外務部等奏蒙古喀拉沁王請與荷商合辦金礦摺 光緒三

十年

奏為遵

旨會議具

奏恭摺仰祈

聖鑒事光緒三十年七月初九日准軍機處抄交熱河都統松壽奏喀拉沁王請在該旗右翼巴達爾胡川地方華洋合股開辦金礦一片奉

硃批該部議奏欽此欽遵抄出到部查原奏內稱據喀拉沁札薩克多羅都楞郡王貢桑諾爾布呈稱本旗前以邊地荒涼蒙民困苦請將本旗礦產自行次第開採兩次奏奉

恩准在案嗣因資本難籌未經試辦茲有荷蘭國商人白克耳願為本旗承辦機器雇用洋匠擬在右翼地方先開巴達爾胡川金礦一處作為華洋合辦股本各居其半一切遵章辦理議訂草合同呈送核辦等情當查所訂合同與熱河及商部

礦章間有未符已飭令更正並查明礦區係該旗落地並無居民廬墓關礙一切均與定章相符惟該王兩次奏准原案均以自行開採為請此次係屬華洋合辦雖為礦章所准行該王前既奏准有案應否准其照擬辦理之處請

敕部核覆施行等因並准熱河都統將該旗前次奏准原案及此次擬訂合同一併抄送前來臣等伏查華洋合股承辦礦務原為奏定礦務章程所准行所訂合同間有與部章未符之處已准該都統來文聲明悉聽改定自屬可行惟查光緒二十八年間喀拉沁王與逸信公司華商孫樹勳德商俾爾福訂立合同開辦喀拉沁右翼全旗五金各礦前熱河都統錫

良以全旗字樣有違定章奏請

飭部核議經外務部議覆行令熱河都統轉飭該旗所指礦地劃清界限不得包佔全旗嗣准熱河都統咨覆轉據該王旗呈稱此案既須指明地段逸信公司商人現雖並未來旗請預行備定一處地名雞冠山周圍二十里請飭該商來旗試辦等語該商迄未來部呈請前往勘辦合同亦尚未訂定案懸莫結臣等綜核前後情節喀拉沁王原將右翼全旗指給逸信公司開辦五金各礦經外務部飭令劃清界限不得包佔全旗嗣雖預指雞冠山一處僅出自喀拉沁王一面之意逸信公司是否允願尚難預定若遽允荷蘭商人白克耳在該

旗右翼之巴達爾胡川地方開辦金礦將來難保不滋輻輳  
事關華洋合辦礦務不得不慎之於始所有 臣等遵

旨會議熱河都統所奏喀拉沁王請與荷商合辦礦務一節擬請  
暫緩置議緣由理合繕摺覆陳伏乞

皇太后

皇上聖鑒再此摺係商部主稿會同外務部辦理合併聲明謹

奏 光緒三十年 月 日奉

旨依議欽此

外務部奏華英公司合辦四川江北廳煤鐵礦務摺 光緒三

十年

奏為華英公司合辦四川江北廳煤鐵礦務改定合同繕具清單恭摺仰祈

聖鑒事竊臣部於光緒三十年四月間准署理四川總督錫良咨稱據礦務總局會詳英商立德樂來局面稱欲與華商集股合辦江北廳煤鐵礦產名曰華英合辦江北廳煤鐵公司擬集股銀五十萬兩務求允准照章開辦等語查川省原設保富公司專為華洋合辦各公司購地轉租開採既可以保我利權亦所以杜其標佔茲據該商援案來局請辦當經會同保富公司總會辦等再三商榷均經疊次磋商商與部定章程不相違背繕具華英合璧草合同十分經保富總公司總會



辦暨該商立德樂同時簽押蓋用四川礦務總局關防詳請  
察核分別咨送應請查核具奏等因並將漢洋文草合同咨  
送前來臣等逐條查核如所訂查勘承辦並限滿復准其請  
展各年限以及礦地界限報効成數核與奏定章程並川省  
歷辦成案均不相符此外各條字句之間亦當有應行增改  
之處當經臣部逐條電達川督飭局與英商立德樂再行磋  
商適值該商業已離川未能與議本年九月間臣部准英國  
使臣薩道義來照謂該商現已到京所有四川江北廳礦務  
合同如今該商回川商改未免稽延時日擬請在京妥議經  
臣部與該商將應行增改各條迭次磋商分別改定該商已

無異議相應繕具清單恭呈

御覽如蒙

俞允即由臣部繕定改正合同與該商畫押蓋印並咨行四川總督查照辦理所有華英公司合辦四川江北廳煤鐵礦務改定合同緣由理合恭摺具陳伏乞

皇太后

皇上聖鑒訓示謹

奏 光緒三十年十月二十一日具奏奉

硃批依議欽此

商務大臣盛奏請設勘礦公司以保主權摺 光緒二十八年

奏為礦地亟宜自守擬請設立勘礦總公司藉保主權而收礦利恭摺密陳仰祈

聖鑒事竊維強國之道必先富國歐洲多以開礦致富而中國礦產尤為繁盛歷來成見拘泥或官禁或民禁精華秘而未發此天之留以畀我

聖朝蔚成中興之業實不可假手於人者也近今風氣始開知礦務不可以終遏但迫於時局礦權礦利幾不能由我自操於是海內寶藏之區輒為他人攘而有之或因案交涉一入條款而某省之礦輒暗授彼國矣或被入勾引一給字據而某府州縣之礦產多屬他商矣外務部鑒於前弊重訂章程無

論華洋商皆可承辦礦務均須先稟外務部俟批准後方可  
為准行之據原欲於推廣之中竭力設法限制聞外國頗以  
准其購用地畝自行舉辦為喜而尤以抽稅過重為憾臣於  
去年五月曾接准軍機大臣電告礦務所關甚鉅誠如所論  
亟宜以開為守各國合式律例望即擇要採取其應如何抵  
制之處亦望熟籌電知以便核議請

旨辦理等因嗣英使馬凱來議商約內有礦務一條臣等以事關  
內政拒不入約到鄂後馬凱猶堅持礦事有關商務必欲列  
入商約以慰英商之望臣思要在保我地權方能以開為守  
督臣張之洞頗以為然當臣等會商允於一年內自行將英

國印度連他國現行礦務章程迅速認真考究採擇其中所有與中國相宜者將現行章程改修妥定以期主權無礙利權無損並於招致外洋資財無礙於礦商亦不致有虧等語美國雖甚和平亦索礦務條款並密告臣曰中國地產之精華將悉為各國有矣吾美國亦當分沾其益蓋歐洲覬覦中華礦利極想一網打盡按照英約一年內自行修改若不預為商籌猶恐臨時周章咸藉端要挾仍不免墮其術中臣既奉軍機處諮詢在前又身在議約大臣之列晝夜焦思悉心討論中國既無辦礦之人才又無開礦之資本自李鴻章等議辦礦務以來合南北計之集中國資本師西法開採已見

成效者僅有開平大冶萍鄉三礦而已開平以李鴻章北洋大臣之魄力唐廷樞一身之苦心孤詣越二十年而始成之然一經變亂已為外人乘機攫取大冶萍鄉一鐵一煤互相濟用臣與張之洞先後持堅忍之力經營締造勉力圖成萬里版圖祇此兩礦良可慨已其他無窮無盡之地寶若不早為設法保全一聽外人明取暗索數年之後盡屬他人將來中土人才輩出能自舉辦而產礦美地已非我有徵諸五洲大邦斷無如此辦法然默究其所以不能自辦之故以辦礦之人材非十餘年不能造就開礦之資本非數百萬不能動手若必欲強華商自辦誠如外務部所言暗中必仍是勾結

外人輾轉售賣矣臣年來訪察中外情形終欲思一補救之法斷非空言大言所能濟事而必量我權力財力所能辦到惟有將民間產礦之地由公中籌款自購力爭先著而已然欲得知何地產礦必先有人代為選礦而後可行三十年前德國有一地學師勤晏芬徧查各礦著為圖說近來各國謀辦礦者遊歷內地或以教士出名或以華人出名購得各省礦地已屬不少甚有一洋人而購數十礦者近日上海武昌均有洋人設立驗礦廠凡內地覓到各礦均歸代驗彼已布置齊備而我仍漠然置之真可為天下後世所痛惜今當掃除空言力求實事提綱挈領以保地權亟宜設立勘礦局遴

選地學師勘明何地實在產礦自行購買以歸中國公司事  
機已迫萬難再遲臣不揣鄙陋一面諄勸各省紳商先籌華  
股本銀一百萬兩擬在上海設立勘礦總公司去年函商出  
使大臣羅豐祿訪求頭等地學礦師一年之久始得一人名  
瓦里士布魯特每年薪水英金二千鎊一切用費在外羅豐  
祿交卸後即由張德彝代訂合同已於八月內到滬臣親與  
考究其礦學確係諳練地學在歐洲專門勘驗礦地與尋常  
祇知開礦之學者不同臣已飭令先往湖南省勘查各礦先  
經電商撫臣俞廉三深以此舉為保礦善法一面函商各督  
撫派員赴各省預查產礦處所再行陸續派往勘驗無論出



產煤鐵五金之地可資開採者即與地方官妥定公平之價  
由局購買再令該礦師將所勘之礦擇尤繪圖立說某礦應  
如何開辦約需資本若干能獲餘利若干分作等差編立字  
號再行次第招商認辦俟外務部路礦總局議定新章務令  
遵照

欽定礦例辦理所有勘礦公司購到礦地編號之後如有合例商  
人承辦即當會同該省督撫咨明外務部路礦總局請給牌  
照方准開辦臣愚以為中國所有者產礦之基地也我國所  
無者開礦之資本也我能守我之地不為他人所奪將來以  
我礦地或作資本或採租息皆當權自我操總之礦商之利

外人不妨其之而地主之權中國當自守之亡羊補牢尚未  
為晚曲突徙薪豈容再誤所有擬設勘礦總公司藉保主權  
而收礦利各緣由理合據實密陳是否有當伏乞

皇太后

皇上聖鑒訓示謹

奏 光緒二十八年九月二十四日奉

硃批外務部戶部知道欽此

謹按此摺經 外務部 戶部核覆於光緒二十八年十  
一月初一日奏准依議辦理

晉撫趙奏請山西礦務先儘豐晉公司辦理摺 光緒二十九年

奏為遵

旨籌辦山西礦務以保利權恭摺仰祈

聖鑒事竊查接管卷內承准軍機大臣字寄欽奉

上諭慶親王奕劻等奏晉豫鐵路礦務請飭開辦以保利權一摺著遵遵殷實公正紳商妥為籌辦以免利權旁落等因欽此欽

遵轉行到晉當經升任撫臣岑春煊轉飭布政司洋務局農工局妥議去後竊維晉省礦脈深厚甲於環球西人遊歷所周測繪所及至謂苗綫平行星羅棋布多至十三萬餘英里而山河四塞又非鐵路無以為轉運之方獲懋遷之利此山西路礦所以為外人之所覬覦若不亟早籌維誠有如原奏

所慮利權旁落不能操縱自如者茲承

訓諭仰見

寄慮精深先事豫防之至意跪聆之下欽佩莫名惟是晉省路礦  
自與華俄銀行福公司立約借款以後已肇外人窺伺之端  
而近來時局變遷復有逐漸擴充之勢正太鐵路現經督辦  
鐵路大臣盛宣懷與華俄銀行更訂合同派員來晉開辦較  
之原訂合同種種受虧不勝枚舉查前奉光緒二十八年十  
一月十四日

上諭各處開辦鐵路關係重大盛宣懷如與他國公司議立各項  
合同條款著先由各督撫核定始可簽押以期周密而免疎誤

等因欽此足見鐵路條款其得失之所判利害之相關非各該省之督撫不能明晰

聖慮所及何等精詳無如正太合同定議在先奉

旨在後約款已就夫復何言至礦務之關係較鐵路為尤巨若不即為籌畫必至又蹈覆轍查福公司前在總署所訂承辦山西礦務合同第一條載明專辦孟縣平定州潞安澤州與平陽府屬煤鐵以及他處煤油各礦等語是福公司所辦之煤鐵僅止平孟潞澤平陽府而止雖他處二字漫無限制然係僅指煤油而言其餘煤鐵金銀銅鉛各種礦產以暨平孟潞澤平陽府屬之金銀銅鉛等項礦產均不在福公司認辦之

內應由晉省另行招商承辦當經<sub>如才</sub>與司道等籌商議設  
礦務公司廣集商股無論本省外省各富商凡有願意附股  
或指定一處認定一礦者均准於該總公司報明呈驗股本  
要定章程核准辦理茲據司局詳稱遵即招商設立公司請  
予奏明開辦復據晉紳內閣中書渠本翹常棣華翰林院庶  
吉士蔡侗刑部郎中楊履晉吏部主事李廷颺戶部主事谷  
如墉工部主事成連增直隸候補道董崇仁前甘肅平涼府  
知府龐璽直隸試用知府曹潤堂江南即用知縣李作楷舉  
人常麟書等聯名稟稱願意籌集股本設立豐晉礦務總公  
司前來<sub>如才</sub>竊查前撫臣胡聘之奏設商務局本擬招集晉

商股本籌辦礦路並工藝各業以濬利源祇以設局期年迄  
無應者遂有招借洋本與義俄各商訂約之事時至今日外  
交愈棘時局愈難在彼則日充其勢力之範圍在我則日困  
於因應之乏術該紳等懋前志後亟願籌資集股力保礦權  
冀為晉民留一綫之生並為大局泯無窮之患自應趕飭將  
晉省礦產除福公司認辦各礦外均准歸該總公司承辦應  
先請

旨飭下外務部路礦總局立案嗣後無論何項公司呈請認辦晉  
礦者均須先儘豐晉礦務總公司辦理不得率准實與晉民  
大有裨益除批飭該紳等照辦暨委令署理冀甯道吳匡商

務局道員鄭景福志森兼辦該公司事務並分咨外所有遵  
旨籌辦山西礦務以保利權緣由理合恭摺具

奏伏乞

皇太后

皇上聖鑒再礦務總公司現需經費擬即於直省購晉紗機項下  
動支先由司庫籌墊合併陳明謹

奏 光緒二十九年正月十二日奏二十一日奉

硃批外務部路礦總局知道欽此

豫撫錫奏開河南礦務並派豫豐公司總辦摺

光緒二十八年

奏為開辦豫礦遵員接充豫豐公司暨飭查地方情形恭摺仰



祈

聖鑒事竊奴才於光緒二十七年十一月二十七日准軍機大臣  
字寄十一月十八日奉

上諭慶親王等奏晉豫鐵路礦務請飭開辦以保利權一摺山西  
河南鐵路礦務亟應早自開辦著岑春煊錫良遴選殷實公正  
紳商迅速定章督飭妥為籌辦以免利權旁落原摺著抄給閱  
看將此諭令知之欽此欽遵寄信前來奴才卷查光緒二十七  
年十一月初二日據修武縣詳稱轉據福公司總工師柯瑞  
豫豐公司幫董方鏡函開勘明修武縣境之老流河左右礦  
產並擬修造轉運支路由該礦地起經修武獲嘉新鄉至衛

輝之道口鎮止擬定今春開辦並將稟圖一併申送前來前  
撫臣未及核准移交奴才查與此次奉

旨開辦礦務係屬一事恐出兩歧又兼豫省素乏熟悉礦務之員  
即於十一月二十八日電達軍機處代

奏請

旨飭下前撫臣松壽辦理路礦大臣張翼就近酌商辦法以期周  
妥准軍機處電傳奉

旨照辦欽此嗣於本年正月二十日據福公司總辦哲美森來電  
以修武老流河礦產請發憑單復准外務部電轉據英使照  
稱福公司工程師柯瑞勘明修武縣屬之老流河左右礦產

請發憑單應飭查地方情形果無窒礙即行給單開辦並酌  
派員紳照料各等因 奴才 查前撫臣等雖未議覆辦法未便  
遽延滋誤因即委派豫豐公司幫董方鏡妥為照料一面飭  
查老流河左右地方有無窒礙尚未復到旋於二月二十四  
日准署兵部左侍郎松壽咨稱河南礦務已奏准由 奴才 妥  
辦並聲明原辦紳商吳式釗撤退一時接辦無人應行遴選  
官紳妥為接辦 奴才 當督交涉局司道等詳加遴選惟查有  
候補道韓國鈞才長心細通達時務堪膺斯任即行派充豫  
豐公司總辦以期內外聯絡兩無隔閡又於二月二十五日  
准外務部咨稱福公司承辦懷慶左右黃河以北諸山各礦

奏准有案應飭屬查明果於地方情形無礙即行給發憑單  
以符原議所稱由修武縣至道口鎮修造支路轉運礦產一  
節應察看地方情形另行核議奴才伏思福公司迭次請發  
憑單自以查明果於地方情形無礙為合同第一款內緊要  
關鍵飭催該道府等迅速查復茲據署懷慶府知府傅樸稟  
稱查得老流河左右煤窑鱗次小民自行開採藉謀營生若  
礦務一開必致有妨民業雖礦丁多用豫人而計工授食究  
不若自行開採足贍身家且附近祠墓甚多不無窒礙等情  
除由奴才再飭該屬體察情形詳細查復並剴切示諭但於  
地方無礙即行給發憑單外所有委派豫豐公司總辦並酌

派員紳暨督飭復查各緣由謹恭摺具陳伏乞

皇太后

皇上聖鑒謹

奏 光緒二十八年三月十五日奉

硃批外務部議奏欽此

鄂督張奏江西辦理萍鄉煤礦保借洋款情形摺

光緒二十

五年

奏為遵

旨查明招商局保借洋款辦理萍鄉煤礦有益民生無礙商局恭  
摺據實覆陳仰祈

聖鑒事竊照前准軍機大臣字寄光緒二十五年四月初二日奉  
上諭有人奏大理寺少卿盛宣懷辦理江西萍鄉煤礦鐵路以招  
商局洋涇浜各產抵保洋行借款請飭查辦等語萍鄉煤礦前  
據張之洞等奏陳開辦情形并無抵保借款之說若如所奏因  
萍鄉一隅之礦輒以招商局各產抵保殊屬有礙大局著張之  
洞詳細查明即行知照盛宣懷毋得輕許致滋流弊是為至要  
原片著抄給閱看將此諭令知之欽此臣查各國自強之道不  
外鐵路輪船槍礮數大端皆以鐵廠為根基而煉鐵煉鋼尤  
以得佳煤煉焦炭為先務湖北前經奏開鐵廠徧覓煤礦不  
得佳質後經臣訪獲江西萍鄉煤礦最合煉焦之用歷年臣

飭鐵廠購用不少實為鐵廠化鐵煉鋼造軌之根本因路僻  
運艱故未能儘量採購多開爐座上年三月間經督辦鐵路  
大理寺少卿臣盛宣懷會同臣

奏明購用機器築路設綫派員總辦力籌大舉并援照開平禁  
止商人別立公司及多開小窿槿價收買以濟廠用而杜流  
弊仰蒙

諭旨欽遵在案蓋開礦不用機器不能深入得佳煤煉焦不用洋  
爐不能去燐成佳鋼運道不用鐵路輪剝不能濟用而輕成  
本目前造軌將來行車需用煤焦皆屬極巨路廠與萍礦互  
相聯屬皆為杜塞中國漏卮要舉至輪船招商局每年用煤

為出款大宗上年因開平煤不及接濟多購洋煤虛糜二十萬金以故竭力籌辦洋煤至今已用銀五十萬兩左右係由湖北鐵廠認股二十萬鐵路總公司輪船招商局各認股十五萬均以其相需甚殷也現在每日出煤二三百噸運道節節艱阻所運不敷所用必需先由礦山造鐵路一條至萍鄉河口由湘潭至漢口置造輪船各船使每日可運數千噸足供鐵路輪船車路之用然後路廠可相持不敝招商局亦受其益而萍礦得可恃之銷路即操獲利之券但購辦機器營造鐵路輪船需款至繁事當未成利尚有待華商之股未易立時招集盛宣懷當因機器各件多由德商禮和洋行墊購



為數已巨故與該行議借四百萬馬克分十二年攤還統由  
萍鄉煤礦公司商借商還惟向來借用洋款必須給以辦礦  
事權並須分得礦中餘利此次盛宣懷議明萍礦仍歸自辦  
僅給借息七釐彼既無辦礦之權又無餘利可得不得不照  
商例切實保借因將招商局產業以為作保之據當經議定  
借款合同分別咨呈總理衙門路礦總局核准存案此盛宣  
懷以招商局保借禮和洋款擴充萍鄉煤礦辦法之情形也  
臣此次欽奉

寄諭當將此項借款每年還款本利共須若干是否以招商全局  
各項產業抵押抑止上海洋涇浜一處棧房產業作保現在

全局各項產業共值銀若干洋涇浜一處產業值銀若干至抵押與作保有何區別設將來借款本利萬一無著洋商能否將全局占踞管理有礙大局各節向盛宣懷詳細咨查旋准咨覆并詳考案據查借款合同載明招商局允保禮和墊款四百萬馬克息本其息本未還以前不將上海洋涇浜南北地皮棧房產業出售或抵押於人等語實係招商局僅止作保并未將產業抵押且止將上海洋涇浜一處棧房產業作保並未將全局各馬頭及輪船作保查光緒十一年向旗昌洋行贖回招商局之時因無款可籌曾將全局各馬頭輪船按照商例抵押與匯豐銀行其時經律師將各項地契船

照均繕押契赴英領事衙門過立匯豐行名至光緒二十一年還本清楚始收回各契據仍易招商局戶名係屬洋商抵押之一定辦法現借禮和之款止有合同載明作保字樣并未將地契交給亦未過領事處過戶是招商局產不作抵押之明證又光緒二十四年商局結帳載明全局馬頭輪船棧房各項資本六百八十六萬兩其中上海洋涇浜南北中棧房產業值本一百六十八萬八千兩以保禮和借款係專指此項洋涇浜棧房產業是并未將全局資本作保之明證至於抵押與作保區別之處查抵押則產業已屬於人作保則產業現仍在我現在不過由招商局作保設將來借款本利

無著應先將所借禮和四百萬馬克購辦之煤礦機器鐵路等物以及該煤礦公司自己股本五十萬所辦之礦產各物儘其所有以歸借款必不致將招商局保產作抵如煤礦公司各物不敷還款再由保人如數補足賠還了事如保人不能將欠數賠補始將合同內所指作保之產業變價補足此作保不能遽抵之明證茲查禮和借款前三年不還本後十年每年攤還四十萬馬克約合銀十三萬兩左右預計此礦三年後每日至少出煤一千噸一年出煤三十萬噸每噸提銀五錢已足敷歸還本利就使意外之變出煤無多該煤礦尚有股分及借款所置鐵路機器各項產業不難作第二次

借款為借債還債之計就使該煤礦及鐵路機器各項產業  
不足抵償而所短之數已屬有限鐵廠鐵路公司輪船公司  
應照商例按股攤賠至多不過數十萬兩斷不致將作保之  
洋涇浜產業為彼所佔更不能將全局佔踞管理此又臣查  
明盛宣懷保洋借款不難籌還與招商局無礙之情形也查  
該少卿盛宣懷此次以招商局保借禮和洋款實因商股一  
時難集而萍鄉煤礦所關於鐵政甚巨不得不力圖其成核  
計借款本息每年止攤還十餘萬兩為數不巨必能清還盛  
宣懷綜核素精斷無將成本數倍借款之商局送與外人之  
理恭繹此次

諭旨原止戒其勿得輕許作抵致礙大局然則此事之有無流弊應否阻止自以於招商局是否有礙為斷體察合同辦法情形實於招商局並無妨礙且此事既經咨明總署及路礦總局均經核准有案而洋行久經訂立合同既與招商全局無礙似不必另起波瀾致外人別滋口舌合無仰懇

天恩仍准以此款擴充萍礦不獨於鐵廠有益而地產工作日盛一日於萍鄉小民之生計裨益尤宏現仍一面招集商股辦理擬有章程并當多留礦股專待江西商富附入以示公享美利之意計股票擬定一百萬兩鐵廠及鐵路公司并輪船招商局入股五十萬兩其餘五十萬兩由盛宣懷將章程股

票咨送江西巡撫藩司就地招股如有不敷再向他省招集其所認股分限六箇月繳足以免觀望貽誤如此辦法盛宣懷肩借款之難任開鑿洗煉修路轉運之勞而江西商富享入股獲利之逸有盈則江西商富分一半之利無效則盛宣懷一人還全數之款似亦極為平允所有遵

旨查明招商局保借洋款辦理萍鄉煤礦并未輕許抵押不致有礙大局且實有益萍民生計各情形理合恭摺據實覆陳伏乞

皇太后

皇上聖鑒訓示謹

奏奉

硃批知道了欽此

閩督許奏福建礦務擬由洋商公司承辦摺

光緒二十八年

奏為閩省礦務擬由洋商承辦現與妥定章程酌定辦法以開  
利源恭摺仰祈

聖鑒事竊維中國地大物博礦產之富甲於五洲洋人來華遊歷  
探測殆遍僉以棄利於地深為可惜近來風氣漸開各省華  
商間有設立公司自行開採然或因資本不足或因礦師難  
延或因機器難購旋作旋輟毫無成效僅直隸開平煤礦經  
理得法始獲厚利然糜款至數百萬經營幾二十年亦可見



收效之匪易矣查礦務辦法大約有三曰官辦曰商辦曰官督商辦但官辦則公款難籌商辦則私財不給官督商辦則商恐受制於官亦不能見信於人瞻顧徘徊事機坐失光緒二十四年京城礦務鐵路總局奏定章程通行各省於興利防弊之法極為周備惟集款以多得華股並須已集華股十分之三方准招集洋股自係為獨操利權起見無如中國富商於開礦之事素未講求斷不肯以鉅資輕於一擲欲糾集公司則辦理毫無把握大都疑沮觀望即使准招洋股而洋人以承辦者係屬華商更不肯輕附股分若必照此辦法是中國永無開礦之日徒託空言於事何補近年山西河南四

川等省開礦章程名為華洋合股實則仍係洋商承辦洋人開礦向有專門之學其勘礦最精其集資最厚其辦事最信此處不成片開他處心志堅定必求選獲佳礦而後已非若華人之急功近利一蹶遂不復振也臣愚以為與其歸華商承辦招集洋股而洋人決不願附不如由洋商承辦而華股轉可多招即如美國之鐵路公司英國之匯豐洋行粵東紳商多購其股票以為世守之業蓋以事歸商辦設係公司與其國家無涉斷無藉此攘奪之理去年北方變亂官辦鐵路皆被佔據獨開平礦局因係公司猶得保全是為明証閩省崇山峻嶺綿亘千里礦產甚多據法國領事屢次來署商議現

有該國商人魏池擬請准於邵武建甯汀州三府屬擇礦開辦設立華裕公司仿照四川章程由官派員設局凡勘苗購地內地交涉之事均歸官局經理該商另與大東公司法商立約籌集資本一切開採工程歸大東公司承辦仍係華洋合股互相維制以五十年為限限滿統歸中國收回大東公司於開辦時願將股分票按每百張先抽五張送與礦務官局華裕公司各得其半又將紅利票按每百張先抽八張以充閩省公用又按每百張抽二十五張報効公家作為租課其出口海關稅仍照章完納此項股票可照時值售繳現銀將來開礦盈虧概與官局無涉臣飭藩司洋務局與法領事

詳細商酌擬定合同二十三條先行簽字約內聲明俟礦務總局核議奉

旨允准後方能開辦如奉議駁此項合同應即作廢臣覆加查核所擬辦法大致參仿四川等省章程於主權利權均無妨礙尚可准行除將合同底稿抄咨外務部礦務總局核辦外仰懇

敕下該衙門迅速議覆以便轉飭遵辦所有閩省礦務現與法商議辦緣由理合恭摺具陳伏乞

皇太后

皇上聖鑒訓示謹

奏 光緒二十八年三月初二日奉

硃批外務部議奏片併發欽此

黑龍江將軍薩奏鐵路公司照吉林原訂合同議立晒煤辦

法摺 光緒二十八年

奏為鐵路公司需煤孔亟查照吉林原訂合同議立晒煤章程

恭摺仰祈

聖鑒事竊查光緒二十二年七月中俄會訂東三省建造鐵路合  
同本允其辦理路旁礦務兵燹後又屢次以此為請上年夏  
間接准吉林將軍函送吉林新訂鐵路辦礦章程十二條到  
江旋准總監工茹格維志來函亦將章程抄送并派其代辦

達昂爾攜帶所擬礦務合同前來催促商辦奴才因飭鐵路  
交涉局總辦周冕與達昂爾會議并由奴才詳細察覈疊經  
辨駁而於第一條及第二條附條各節堅不肯稍為刪改奴才  
與周冕詰以礦務大局攸關豈該公司所能獨擅堅持日  
久達昂爾直言勘挖煤礦實因鐵路需用起見非為與華人  
爭利至別項礦務實無染指之心云云乃迎機商酌逐條改  
為專指煤礦并於第十一條聲明與別樣礦產無干第九條  
聲明鐵路公司應用開出之煤等語蓋現在江省火車汽機  
以木代煤近二年中砍用材木為數已鉅砍木地方愈推愈  
遠深山窮谷任便出入於旗民國穢生計大有關礙從此取

煤於地弗再求木於山似亦該公司和平辦法因念

國家既已允修鐵路其鐵路必需之煤勢難靳而不予況當日  
原訂建造合同亦經允許在先與其漫無限制任該公司隨  
意開挖誠不若明定章程尚有一定界限可以就我範圍也  
溯自停戰以來江省交涉事宜首推鐵路公司最形輯睦若  
因勘煤一事操之過激恐該公司疑為有意掣肘致生枝節  
如才因勢利導不敢昧通權達變之方復於章程內里數動  
數等字及小有出入之處與之辨論多日逐細磋商始行援  
照吉林從權定議畫押此更訂鐵路用煤合同之實情也抑  
如才猶有慮者就黑龍江與鐵路公司情形而論此次議訂

合同固屬兩有裨益惟念中俄和約迄未就緒現當訂約之時想東三省一切礦務不能不為議及竊恐外間所訂與京中新訂之約或有參差可否請

旨飭下王大臣外務部暨路礦總局將<sub>奴才</sub>與鐵路公司所議煤礦章程詳加覆核再行奏明辦理之處出自

聖裁除將全案分別咨報外所有鐵路公司需煤孔亟查照吉林原訂合同議立晒煤章程緣由理合恭摺具陳伏乞

皇太后

皇上聖鑒訓示謹

奏



黑龍江將軍薩附奏東省鐵路合同第六條應聲明專指煤

礦而言片

光緒二十八年

再光緒二十二年七月二十日原訂東省鐵路合同第六條  
業經准其開採各礦是東省礦務係屬該公司已得之權此  
次商訂鐵路兩旁開礦章程經奴才督同前湖南候補道周  
冕竭力磋磨作為專指煤礦別項礦產不在其內查原訂合  
同有開出礦苗處所另議辦法等語可否請

旨密飭外務部路礦總局於另議開礦辦法時一律聲明專指煤  
礦而言藉可自保利權免致漫無限制惟鐵路兩旁三十里  
開煤礦一節該公司特原訂合同鐵路附近一語輾轉要挾

恐其再以吉江兩省成案又復要挾他處且恐各國復援鐵路章程別有需索之處皆不得不預為防範如才考泰西通例凡外間互立合同若非經國家給予全權如其有關大局均可由政府駁詰更改此次江省援照吉林與鐵路權議煤礦草約應請

敕下全權王大臣等詳加覆核以期妥協是否有當理合附片密陳伏乞

聖鑒訓示謹

奏 光緒二十八年三月十九日奉

硃批覽欽此

新撫饒奏塔城金礦辦有成效並開辦東新興礦務摺

光緒

二十七年

奏為夥辦塔城金礦已見成效謹將先後撥發經費並來年應  
攤廠費加購機器開辦東新興工礦務情形恭摺具陳仰祈  
聖鑒事竊臣上年議與俄商墨斯克溫夥辦塔城金礦各先出成  
本銀三萬兩業經

奏明允准在案當委候補知府桂榮與俄商帶同工匠人等至  
喀圖山內新興工設廠修屋開路採礦挖煤購糧運機安槽  
至年底始具規模粗有頭緒而用費已不貲矣至本年正月  
下旬甫行開機試輾每日輾舊挖砂石一千或數百蒲筭計

重二三萬斤得淨金一二三四兩不等據署布政使潘效蘇署鎮迪道兼按察使銜李滋森申據俄商請加發銀二萬兩核與原議初二兩年各攤五萬兩數目相符准其照數撥解嗣據金廠委員桂榮申稱購買新機添蓋房屋俄商已多出銀四萬餘兩懇請補發二萬餘兩臣因礦務漸見興旺核與原議第十五條加發成本之約相符亦飭司妥議撥發催令加工輾洗據廠員按月申報自正月二十六日起至閏八月底止共洗得淨金五百數十兩業經臣附奏在案旋因大輾槽先未安設堅穩漸輾漸塌乃停機拆發重安刮去金盤積金十二兩安妥後於十月初一日開機輾洗晝夜未許稍停

仍飭按旬申報俟年底結算再行據實陳報茲據桂榮申稱  
俄商墨斯克溫函稱估攤二十七年礦費並擬添設輟槽加  
購各項機器應攤六萬六千一百三十八兩又稱現廠之東  
新興工尼格徠地方礦汎暢旺為喀圖山各礦之最擬令礦  
師督率匠規先就該處上面礦坯採取即在底廠試行輟洗  
現止輟槽二具合計一應花費尚屬無利有虧必須多添輟  
槽可望獲利在原採礦汎之俄五里內添三輟大槽二具明  
春在該處掘井如果暢旺即在該處安設四槽否則底廠四  
里內加設輟槽二分估計運腳修房等費各應攤銀四萬二  
千八百二十四兩如此辦理方有利無等情轉請核示前來

臣查該商所議共應攤銀十萬八千九百餘兩為數過鉅批飭布政使文光兼按察使銜李瀚森妥議去後茲據該司等詳稱開辦金廠現經兩年已有端緒雖所獲之金未能驟償成本而事屬創始尚冀收效將來若不准所請則俄商從前虧累勢必藉口求償於新不如即如所請將光緒二十七年應攤礦費及開辦尼格休新礦應攤各費銀兩一併照數籌解交庫爾喀喇烏蘇廳存儲由該廠取用具報等情詳覆前來臣維金礦為利源所在試辦既有成效若因攤費甚鉅因而中止則新疆自有之地利此後無由開辦而兩年已費之工程廢棄亦殊可惜查外洋開利之事每不惜千數百萬金

世攻其業即漠河金廠亦創費數十萬始收其利茲費纔數萬已收效十分之一無論將來利益正未有窮即就目前而論新疆金礦為各國所豔稱外人尚不惜重資以圖後效若不圖自強半途而廢徒為有識竊笑且慮彼欲獨專其利更難拒其所求計惟有堅忍圖功勉盡人事以冀天不愛道地不愛寶開窮荒未興之民利以裕邊陲自有之餉源已飭該司等仍由軍需項下騰挪支撥解用並飭廠員會同俄商妥為辦理所有先後撥發塔城金礦經費及明年應攤各費並擬開尼格徠礦務攤費各緣由是否有當謹據實陳

奏伏乞

皇太后

皇上聖鑒訓示謹

奏

外務部咨嚴子溝等處礦產應准試辦文

光緒二十九年

為咨行事案查商人李樹滋與美商劉承恩合辦柳條溝等處礦產一案接准咨稱據商人李樹滋稟稱商人前與美商劉承恩稟請開辦漂平縣屬金鈎屯豐富縣屬鐵匠營兩處銀礦並續稟開採之漂屬嚴子溝豐屬波倫諾兩處金礦均蒙前都憲色批准賞發示諭在案嗣因華洋合辦未將合同呈送外務部咨催奉前都憲松諭飭令將所訂合同呈驗奉



諭後遵即回京邀同美商劉承恩來熱並赴各該礦詳加勘  
驗據稱厖子溝波倫諾兩處金礦較金鈎屯鐵匠營銀礦砂  
綫豐旺堪以經久現擬先行開辦厖子溝波倫諾兩處金礦  
俟將該礦開採升課後再行遵章稟請開採兩銀礦所有一  
切局規升課章程悉遵熱河現定章程辦理均惟華商是問  
不敢有違照錄議訂合同二分呈送查驗應將送來合同咨  
送查照核辦等因前來查商人李樹滋等請辦厖子溝等處  
礦產既據前任色都統批准給諭復准

貴都統迭次查明實在情形咨覆到部並取具該商所訂合  
辦合同本部詳加查核尚屬可行自應准其試辦相應咨行

貴都統轉飭該商等遵照此次熱河奏定新章妥為辦理並將開辦情形咨報本部可也須至咨者

右咨熱河

外務部咨嚴子溝礦區應以窪口為中心四面各距中心十里文 光緒三十年

為咨行事前准咨稱華商李樹滋美商劉承恩合辦嚴子溝金礦一案其礦區應如何劃界咨請核定見復等因前來本部查華商李樹滋美商劉承恩合辦嚴子溝金礦一事礦界原章雖無直徑字樣然有彼此窪口相距不得逾二十里之文今各該礦應按此定界以窪口為中心四面圍圓各距中

心十里是即直徑二十里於原章相距二十里亦無出入除已電達外相應咨行

貴都統查照可也須至咨者

右咨熱河

外務部咨八道河礦區應以窪口為中心四面各距中心十

里文

光緒三十年

為咨行事前准咨稱華商吳樾德商滿德合辦灤平縣八道河等處礦務一案其礦區應如何劃界咨請核定見復等因前來本部查華商吳樾德商滿德合辦灤平縣八道河等處礦務一事礦界原章雖無直徑字樣然有彼此窪口相距不

得逾二十里之文今各該礦應按此定界以窪口為中心四面圓圓各距中心十里是即直徑二十里於原章相距二十里亦無出入除已電達外相應咨行

貴都統查照可也須至咨者

右咨熱河

外務部咨八道河等礦地仍以相距二十里為界文

光緒三十年

為咨行事商人吳樾等承辦灤平縣八道河等處礦地一案

光緒二十九年九月二十八日據該商等稟請仍照前次奏章以相距二十里為界等情經本部咨准

貴都統查明咨復稱現在熱河辦礦無不遵照前奏二十四

條章程辦理其續定四條新章因原定章程稍欠明晰特引而伸之以免誤會凡華洋合辦各大礦無不按照前定章程以圍圓二十里計算劃界該商請仍按相距二十里為界同一熱河礦產決不能有兩樣辦法等因當經本部批飭該商等遵照在案茲准德國穆使函稱據本國商人滿德稟稱前與華商吳樾等合資開辦滌平等處礦務經前熱河都統錫於二十九年四月十八日出示登剗飭准礦地均各以二十里為限不料資本集齊並押課銀交收後熱河都統援照續定章程僅按圍圓二十里計算等情本大臣查續定章程係在光緒二十九年八月間奏准是該礦商等所得承辦之權

已准在先且續章內按照圖圓計算與前奏章程不符與先  
前核准之案自不相涉總之該商等所得准辦之權定須按  
照光緒二十九年正月初六日所定章程辦理並代遞原稟  
抄送原執照等因前來本部查此案前准來咨業將熱河礦  
地凡各商承辦悉按照圖圓二十里劃界批飭該商等遵照  
茲與該商合股之德人滿德復稟由德使函請仍以相距二  
十里為界係因此案核准在先應按照前次奏章辦理尚非  
有意狡執相應照錄原函原稟並執照咨行  
貴都統查照核復以便轉復該使可也須至咨者

右咨熱河

外務部咨膠州鐵路附近三十里礦務應照章辦理文 光緒

二十九年

為咨行事光緒二十八年十二月二十二日准德國葛署使  
照稱周撫院請飭山東礦務公司訂明按他國礦務公司一  
律納稅本署大臣因此不得不陳明山東礦務公司所定乃  
係專章他處公司章程均與此無涉等語當經本部以膠州  
條約與山東礦務公司章程均係專指膠濟鐵路附近三十  
里而言若東省別處礦務不在此例等情照復去後十二月  
三十日復准該使照稱周撫院現欲於附近三十里內亦須  
納稅顯係違背條約章程等因前來查膠澳鐵路附近三十

里煤礦前經升任巡撫袁照約訂定章程奏明在案其原定  
章程並無納稅之條凡鐵路附近三十里之內開礦自應按  
照定章無庸完納出井稅除照復德使外相應鈔錄兩次來  
往照會咨行

貴撫查照辦理可也須至咨者

右咨山東

外務部咨福公司請辦老牛河礦產應准立案文

光緒三十

年

為咨行事光緒三十年七月初四日接准文函以福公司工  
程師柯瑞勘明修武縣老牛河左右煤礦繪圖貼說會同豫



豐公司幫董方鏡稟請給發憑單旋據該公司派來礦師利德在老牛河以南下白作村試探礦苗購地建廠名曰澤煤盛廠該礦師議自該廠起繪具紅綫礦界圖說呈請發給憑單當因索地太寬駁令改減利德堅執前議謂地界縮小實不敷用復經力與磋磨始允以現在所用者為黃界先領憑單然必仍存紅色界綫為日後不敷開採續請憑單之用文明四至豎立界石所有黃界以此為限倘日後不敷開採於紅界內續請憑單仍准遵照合同稟請查明果於地方情形無礙再行核辦當批飭交涉局細加覆核尚無舛誤除勘發憑單給領外應將礦圖暨憑單稿樣咨請查照立案等因前

來查福公司請辦老牛河地方礦產既據

貴撫查明與地方情形尚無窒礙議定礦務界址發給憑單  
准其開辦本部自可准予立案相應咨行

貴撫查照並將開辦情形隨時咨報本部可也須至咨者

右咨河南

外務部照會法樂前請專辦尖峯山一處礦產自可照准文

光緒三十年

為照覆事前准來照以英商法樂承辦安溪縣之尖峯山礦  
務與業主議妥承租自可准令開辦請再咨閱督飭地方官  
暨商政局務遵護照內所允各節辦理等因當經本部咨行

閩督查明核覆去後茲准覆稱飭據洋務商政兩局詳稱法樂前請安溪尖峯山勘礦執照按照新章僅只准其探驗並未准其開採前此請照探礦不能作為核准開礦之憑惟現在該礦師法樂專辦尖峯山一處礦地係在新章未定以前似應遵照辦理將來勘辦之時自當查照原議祇准專在尖峯山一處指定段落繪具圖說呈送本省轉詳立案不得牽涉他礦以清界限此外尚有應領開礦執照以及開採一切辦法應飭悉遵奏定新章辦理不得稍有違背以昭畫一等情咨請察照等因前來本部查該礦師法樂前請專辦尖峯山一處礦產自可照准惟須遵照原議祇准專指尖峯山一

處劃明界限繪圖貼說並訂立合同呈由閩省商政局查酌再送本部核定相應照復

貴大臣轉飭遵照可也須至照會者

右照會英公使

外務部照復華裕大東兩公司開辦邵武金礦應遵照合同

奏章辦理文

光緒三十年

為照復事光緒三十年四月十二日准照稱閩省邵武金礦一事昨據本國駐福州領事官詳報得知聘委古爾變代理之法公司近與閩督出有齟齬該公司遣派礦師前往勘探照章呈請發給開採邵武礦山准單詎料閩督以後定礦務

章程藉口欲令該公司先付一萬二千元本大臣查礦務章程第一條內載以前已辦各礦及業經議定之處仍照原定合同辦理等語華裕公司商定合同第五條既將應納各項稅則晰指明定萬無再行加徵之理為此照會轉諭該督勿再作難有違定章等因本部正核辦間適接閩督來咨內稱據福建商務局詳稱據華裕公司稟稱前與大東公司擬辦邵武金礦原訂合同明載所有華裕公司與地方官訂立合同條款大東公司均應一體遵守合同條款內明言悉願遵守北京現定新章辦理該公司遵守合同自應遵守部章乃該公司甫請領照即不遵守部章繳納照費等情前來查華

裕大東兩公司合同係光緒二十八年九月經本部奏准現請開辦邵武金礦據報成本係一百二十萬元其應繳照費係按照光緒二十八年二月本部奏定礦章第二款所載視成本之多寡酌提百分之一並非後定礦章始有此款華裕大東兩公司合同第十四第二十一等款業經聲明悉願遵守中國奏定新章辦理則此項一萬二千元照費該公司自應照章如數繳納相應照復

貴大臣轉飭該公司遵照原定合同並奏定章程辦理可也  
須至照會者

右照會法公使

礦務大臣盛照會註銷安徽宣城開礦合同文 光緒三十年  
為照會事承准商部咨開照得本部接管路礦總局移交卷  
內光緒二十八年四月二十八日准貴大臣咨稱安徽甯國  
府宣城縣大形牛形簍箕等山產煤豐旺據日本殷商土倉  
鶴松遣代理人礪原孫藏來請合辦當派鄭道官應陳道善  
言妥與籌議據呈草合同二十款又專條八款飭於光緒二  
十七年八月二十九日簽押分執俟續驗確實定准開辦礦  
議正約時仍舊專案奏咨辦理相應咨會貴局查照等因查  
路礦總局前經奉

旨歸併本部管理凡屬礦務本部責有攸歸現經奏定礦務章程

第一條內開以前已辦各礦業經議定之處仍照原定合同辦理等語係指奏准有案者而言查宣城縣煤礦公司與日商土倉合辦係屬未經奏准之案自應遵照部定章程辦理按部章祇准華商承辦或華洋商合辦不准於附搭洋服之外另借洋款更不准以礦地抵借細閱原訂專條第二款有土倉隨時借款與公司專為辦礦之用公司按借銀多少即交股票多少又第四款有公司立據將礦場地畝產業一併作保各等語顯與部章不合現計此項草合同簽押已逾兩年究竟土倉曾否親往或派人前往鑽驗所有合同暨專條曾否照原訂合同第二十款於簽押後一起核准檢查路礦



與原卷并由外務部查明均未續據咨報有案相應咨請貴大臣迅將以上各節聲復到部以憑核奪等因承准此查宣城煤礦前因簽探無效逾限已久曾准安徽巡撫部院誠來咨業經本大臣照會

貴總領事轉飭土倉銷廢合同在案茲准前因本大臣復查原訂合同專條既與部定新章不合自應即時註銷以資結束須至照會者

右照會日領事

謹按此案既經日領事照覆允准作廢

商務大臣盛咨萍鄉煤礦添籌鉅本續借禮和商歇文

光緒

二十八年

為咨呈事據湖北鐵廠總辦盛道春頤會辦李郎中維格洋  
鄉煤礦局總辦張道賢宸會稟內稱竊查光緒二十二年湖  
廣督部堂張奏准湖北鐵廠招商承辦議定章程第九節鐵  
廠目前支持局面必須將化鐵鑪兩座齊開添購各項機器  
將來推廣必須另闢大煤礦一處並就大冶添造生鐵鑪數  
座方能大舉保本獲利否則萬無轉圜之法現在公款難籌  
自應續招商股二三百萬兩如一時商款不及應請准由商  
局不拘華商洋商隨時息借以應急需即以鐵廠作保商借  
商還庶可及早推廣商本不至斷缺官本亦不致毫無著落

等因接准部覆通行遵照在案具徵督憲張維持鐵政規畫  
遠大之苦心溯自鐵廠改歸商辦已閱六年綜計虧耗數逾  
百萬已於去年由職道春頤司員維格等造具賬畧呈請核  
咨亦在案查西洋各國大廠成本動輒數千萬兩即日本國  
家新設之廠名曰鑄鐵所者亦已支用日銀幾及二千萬元  
聞尚未臻美備續請添撥鉅款良以造端宏大非此不足以  
杜塞漏卮與西洋鋼鐵爭勝中國利源未闢財力遑遯而商  
本尤為微薄故鐵廠於商辦以前固形竭蹶而於商辦以後  
更費支持日處艱危之境其岌岌情形非局外人所能知其  
十一現欲保全此廠計惟有遵照奏案續借款項在大治添

設鑪座機軸仿造市面通行繁貨庶可救此危局官商兩利  
此鐵廠必須添籌鉅本之大畧情形也至於萍鄉煤礦之支  
絀亦久在憲台洞鑒之中該礦係遵照奏案另開大煤礦一  
處於光緒二十四年憲台會同督憲張奏准開辦派委職道  
贊宸經理查該處本用土法出煤故論開採則為相因而用  
機器則為創始興工以後購買山地歸併民窿開挖機井並  
造機器廠煉焦爐洗煤機造磚廠以及礦內外各項工程亦  
手開辦招股無多籌撥通挪心力交瘁然無論如何艱困一  
切措施不敢稍涉畏退要以足供鐵廠煤焦為斷光緒二十  
六年以來鐵廠遂得以不用外焦惟鐵廠入不敷出僅能按

焦付價而礦工至鉅需款浩繁如箭在絃斷不容瞬息停待  
中間雖荷憲台商借禮和洋款四百萬馬克而現款只四成  
之一此外均以購機欸絀工鉅實在不敷運掉他處局廠及  
開平煤礦創辦之初皆有官撥巨欸然猶一再添集商本勉  
底於成萍礦則自開辦至今全恃挪移為周轉所費利息積  
數甚巨現在各項井工因前年拳匪事起洋礦師等避滬一  
年有餘停工以待是以尚未告竣且鐵路總公司墊款鋪設  
鐵道僅至醴陵輪駁亦未暢行於湘漢存山煤焦致多擱本  
商號欠款積數幾及五十萬兩蓋行運愈遲則墊本愈重商  
欠愈鉅則周轉愈難九仞一簣之虧必致全工顛覆此萍鄉

煤礦必須添籌鉅本之大畧情形也夫廠礦本相依為命職道春頤等一再會商稟奉面諭遵照督憲張原奏息借或洋或華商款以應急需商借商還與官無涉續與禮和往返晤商議定新借德銀四百萬馬克九五扣用七釐行息廠礦各用其半內以四成之一留歸鐵廠添辦機器其餘悉付現款設屆還款之期無以應付則以大冶所售日本合同期內礦石之價抵還此次借款萍礦出名漢廠作保輪船招商局亦仍前作保禮和於此次借款無甚利益所圖者將來萍鄉運出煤焦除供給漢陽鐵廠大冶鐵礦輪船招商局外餘請專歸該行代銷藉資酬答該行固確知礦務之實有把握也磋

議匝月始能定議該行現已接准外洋銀行允電訂定合同  
兩分一現款三百萬馬克一存備購機款一百萬馬克兩共  
四百萬馬克經職道春頤等將合同逐加詳審查與奏定章  
程毫無違背理合會稟宮保俯念廠礦關係重大籌款維艱  
一面俯賜核准簽字一面分咨立案漢廠幸甚萍礦幸甚惟  
此次借款撥歸漢陽鐵廠添購鑪機者除禮和九五扣用外  
僅有馬克一百九十萬合銀七十餘萬兩而大冶添生鐵大鑪  
一座約需銀五十萬兩馬丁銅鑪一座機軸全副約需銀四  
十萬兩購地築基等費在外共約需銀一百餘萬兩專就以  
上所估已不敷甚鉅而開工以後一兩年內銷路未通必須

寬籌款項以作行本否則經費不繼勢必全功盡棄職道等  
一身不足惜其如

國家鐵政何擬屆時再酌度情形別籌鉅款總期保全鐵政補  
救商艱塞外來之漏卮聞自有之利源漢廠官本固可有著  
而商本亦不致虛擲所有遵照奏案續借商款以竟鉅工而  
免中輟緣由理合呈送合同兩分恭候批示祇遵計呈合同  
兩分等情據此查煉鋼製造必以生鐵為根本漢廠舊設生  
鐵爐兩座僅能出鐵每日一百二十噸左右現今萍鄉設爐  
煉焦已堪敷用則就冶添爐實為當務之急商約加稅已有  
成議洋鐵道遠費重鐵路枝幹繁興取用日宏利源自溥察



核所稟以大冶分設鑪廠為振興鐵政之本以萍鄉廣運煤焦為濟益鍊冶之本利害相因宜容中報該道等續借禮和商款四百萬馬克一成購機三成付現商借商還與官無涉核與奏定章程一一相符應准簽字分咨備案至所稱漢陽添購鑪座估價尚屬不敷准俟興辦大冶時酌度情形別籌挹注除批飭張道盛道李司員等通力合作務竟鉅工外合將簽定合同抄稿咨呈

貴部謹請查照備案須至咨呈者

右咨外務部 合同已編入 章程詳見上卷

北洋大臣袁咨比公司承辦臨城等處礦務業經駁斥作廢

文光緒二十八年

為咨呈事准比國全權大臣葛照會內開前者本署大臣在  
津拜會貴大臣曾將臨城內邱順德礦務一事與貴大臣面  
談在案查臨城等處礦務業經歸蘆漢鐵路總監工沙多接  
辦又有鐵路督辦盛大臣之名前者於西歷一千九百零一  
年十月二十四日

前全權大臣李委派龔照璵為順德內邱臨城各處礦務總  
辦又鈺秉臣曾經

前全權大臣李會同

外務部准其鈺秉臣商同沙多設立一公司開辦此礦又於

西歷一千九百零一年十二月十五日有法國莫利斯曾經  
與

外務部要求辦理臨城煤礦當由

外務部答復莫利斯言該礦已歸蘆漢鐵路公司辦理惟彼  
此所立合同於西歷一千九百零一年十二月二十五日又  
於一千九百零二年五月十五日公同畫押該合同已於西  
歷本年五月十八日照送

外務部又於本年五月二十二日前署任賈大臣接准

外務部照復聲明該礦應由蘆漢督辦盛大臣與比國公司  
合意訂章辦理所以沙多有此各憑據已將開礦公司與股

本均各辦妥以上各証驗本署大臣今祈貴大臣不要將臨城礦務總辦同蘆漢鐵路公司督辦彼此所立之合同阻攔准其開辦為此照會貴大臣查照可也等因到本督部堂當覆以臨城等處為直隸總督屬境該處礦務為直隸總督管轄本督部堂應有節制之權無論何項人未經本督部堂核准有案均不得與他國人私立合同擅相授受設遇此等情事本督部堂即有勒令作廢之權查閱鈕秉臣等與沙多私訂草合同與本國礦務章程亦多不符本大臣斷難允准業經批駁令作廢紙昨已向貴署大臣面告一切龔照璣辦理礦務雖係前總督所派今歸本督部堂節制所有事務非龔

照與所能擅專至稱鈕秉臣曾繼前總督李大臣會同

外務部准其商同沙多設立公司及

外務部答復莫利斯言該礦已歸蘆漢鐵路公司辦理並

外務部照復貴國前署任賈大臣聲明此礦應由盛大臣與

比公司訂章辦理各節本衙門均無此項案據但知鈕秉臣

等與沙多私訂草合同第七款內有如遇無論何項事故致

本合同不能成議當著礦務局總辦鈕秉臣會辦龔照璵歸

還三萬兩之款於西歷一千九百零三年正月一號交礦務

比公司代理人沙多收回亦或以礦務局所存美質火車合

用之煤餉按市價作抵等因當飭鈕秉臣等遵照此節辦理

至鈕秉臣龔煦璵迄今仍未遵批完結殊非本大臣意料所  
及除照覆並分別咨行外相應咨呈

貴部謹請查照施行須至咨呈者

右咨外務部

各國金銀礦產表

金礦產出數

以下全產 金銀 土 計 年 均 產 量 各 國 總 產 量	光緒
三六五六一七四〇〇〇	元年
八八四六一〇五〇〇〇	二年
六九一二一五五〇〇〇	三年
四二一六七五〇〇〇〇	四年
四七一二六二五〇〇〇	五年
〇八八八四一五〇〇〇	六年
二四七三八九四〇〇〇	七年
六八〇四三九四〇〇〇	八年
八八五四一六四〇〇〇	九年
九六一一二九四〇〇〇	十年
二七五五四二五〇〇〇	十一年
九七六五三一五〇〇〇	十二年
一六八六一一五〇〇〇	三十一年
五七七〇二三五〇〇〇	四十年
〇九七三七九五〇〇〇	五十年

上 同	
六〇三九四七五〇〇〇	年六十
四九一〇二三六〇〇〇	年七十
六六二四九〇七〇〇〇	年八十
一一八八一六七〇〇〇	年九十
二六三四六七八〇〇〇	年十二
〇九一五一六九〇〇〇	年一廿
四一九三八七九〇〇〇	年二廿
九六〇〇二四一一〇〇	年三廿
六〇九七七八三一〇〇	年四廿
五七七七三八四一〇〇	年五廿
五三一五一三二一〇〇	年六廿
六四七〇四七二一〇〇	年七廿
是附故在併兩十十同保總所原 存仍內計年三二治使數列表	附
五七六三五六四〇〇〇	年二十治同
一五〇〇九五四〇〇〇	年三十治同
六五九四五八六〇二〇	數總共統



# 金 值 銀 圓 數

光緒	以下銀圓	以銀圓	均銀圓	計銀圓	中國	所用	洋銀
元	年	〇〇〇〇〇五七九〇〇					
二	年	〇〇〇〇〇七三〇一〇					
三	年	〇〇二七四九三一一〇					
四	年	〇〇八二九〇九一一〇					
五	年	〇〇八八七七八〇一〇					
六	年	〇〇八六三四六〇一〇					
七	年	〇〇一三二〇三〇一〇					
八	年	〇〇六六九九一〇一〇					
九	年	〇〇〇二九三五九〇〇					
十	年	〇〇六九二七一〇一〇					
十一	年	〇〇六五三四八〇一〇					
二十	年	〇〇九三六一六〇一〇					
三十	年	〇〇九四七七五〇一〇					
四十	年	〇〇九六九一〇一〇一〇					
五十	年	〇〇二九八四三二一〇					

上	同
〇〇七八四八八一〇	年六十
〇〇〇〇五六〇三一〇	年七十
〇〇五一五六六四一〇	年八十
〇〇八四九四七五一〇	年九十
〇〇六五七十一八一〇	年十二
〇〇六三六七八九一〇	年一廿
〇〇六一五二二〇二〇	年二廿
〇〇七三七〇六三二〇	年三廿
〇〇七九七八七八二〇	年四廿
〇〇一四二七六〇三〇	年五廿
〇〇三六七五四五二〇	年六廿
〇〇七四七三三六二〇	年七廿
	附
〇〇〇〇〇二六九〇〇	年二十湖
〇〇〇〇五七〇九〇〇	年三十湖
〇〇七一七〇六七二四	數總共統

# 銀 礦 產 出 數

<small>總產各礦均等計准物數產以 數額同球傳年主以百銀下</small>	光緒
九一七一六四二六〇〇	年元
五二一三五七七六〇〇	年二
六一九九七六二六〇〇	年三
一五四五八三三七〇〇	年四
五九四三八三四七〇〇	年五
三九二五九七四七〇〇	年六
二七八〇二〇九七〇〇	年七
一九〇二七四六八〇〇	年八
三二〇五七一九八〇〇	年九
一〇八七六五一八〇〇	年十
九五九九〇六一九〇〇	年一十
〇九二七九二三〇〇〇	年二十
六八五三二一六九〇〇	年三十
六〇六七二八八〇一〇	年四十
一一六三一二〇二一〇	年五十

光緒二十五年

同治十三年

上 同	
二六〇五九〇六二一〇	年六十
九一九〇七一七三一〇	年七十
二六七一五一三五一〇	年八十
一二六二七四五六一〇	年九十
四九三〇一六四六一〇	年十二
〇六九〇〇四七六一〇	年一廿
〇七三一六〇七五一〇	年二廿
二八〇一二四〇六一〇	年三廿
三五二五五〇九六一〇	年四廿
三五四七三三八六一〇	年五廿
四六三一九五三七一〇	年六廿
三七五八九九四七一〇	年七廿
	附
七八一七六二三六〇〇	年二十治同
一八七〇〇三五五〇〇	年三十治同
九九五一〇六七九二三	數總共統

# 銀 值 銀 圓 數

計算銀值以  
圓以下

光緒

〇〇〇〇〇五〇八〇〇

年元

〇〇〇〇〇六七八〇〇

年二

〇〇七〇四〇一八〇〇

年三

〇〇二二八八四九〇〇

年四

〇〇六二七一六九〇〇

年五

〇〇〇五〇七六九〇〇

年六

〇〇四八六一二〇一〇

年七

〇〇三二〇八一一一〇

年八

〇〇〇七九二五一一〇

年九

〇〇四一六四五〇一〇

年十

〇〇二五四四八一〇

年十一

〇〇八六二六〇二一〇

年二十

〇〇〇一八二四二一〇

年三十

〇〇四六〇七〇四一〇

年四十

〇〇七七二四五五一〇

年五十

約重貳拾陸兩九錢二分

四 各國金銀礦產表

上	同
〇〇〇二三〇三六一〇	年六十
〇〇三二五三七七一〇	年七十
〇〇四四一〇八九一〇	年八十
〇〇四四四九三一二〇	年九十
〇〇六九二八二一二〇	年十二
〇〇九六六五六一二〇	年一廿
〇〇二九六〇三〇一〇	年二廿
〇〇三一四七〇二〇〇	年三廿
〇〇六二四七九九〇〇	年四廿
〇〇二八四六七一二〇	年五廿
〇〇二一四四四一二〇	年六廿
〇〇七〇六二六二二〇	年七廿
	附
〇〇〇〇〇八一八〇〇	年二十治同
〇〇〇〇〇五一七〇〇	年三十治同
〇〇四五六五三六二四	數總共統